

Пионерск слет болв

Апрелин 20-д Каспийск поселкд дулан, салькн савр уга сән өдр болв. 12 часас авн поселкд болн эргиди бәәсн школмудас, улан туган делсксн, кенъкргән цоксн, джинънсн байрта дуута сургъульчир поселк дунд бәәсн паркур цуглрцхав.

Эн өдр, энъкр багш аав Ленинә тѳрсн өдрт нерәдәд, цуг района пионерск слет болв. Болджах слетиг парк дунд бәәсн алдр Ленинә бумблвин өбр кев.

Эн слетд Каспийск дундин, кѳцц биш дундин, Северн дундин болн Ракушинск эклц школмудин пионерск организацс болгънас пионерин делегатир ирцхәв. Школ болгънас пионермѳдиг дахад, гаргаран бәрәд кѳтрлдсн, неггдгч болн хойрдгч класст орджах бичкдѳд бас ирв.

Сургъульчир-пионермѳд ду-

нд, слетин кундтә гиичир зогсджана. Эдн дунд кундтә кѳгшн багш Н. Ф. Ефимова, пенсионер өвгн Романенко, нань чигн улс. Уѳрмѳд Ефимова болн Романенко бичкдѳдг нерәдәд, йѳрәлин уг келв. „Алдр Ленинә герәслсн герәсиг кѳцәхд, белн болтн!“—гисн йѳрәлд, бичкдѳдин „Онъдин белн!“—гисн хәрѳ джинъндж сонъсгдв.

Негдгч болн хойрдгч класст сурджах най гар бичкѳдиг октябратин зергләнд орулдж авцхав. Эднә өрцднъ тавн талта улан одн зѳѳгдв.

Пионермѳд болн шин орсн октябратир нег дуугъар „Ленин ягъдж сурдг бәәсн болна, тедѳ метәр сурнавдн“—гидж, Ленинә бумблвин өбр угән өгв.

Слетин чилгчәр пионермѳд концерт ѳзѳлв.

Д. УБУЩИЕВ.